

ხელშეკრულება სახელმწიფო შესყიდვის შესახებ
(პროექტი) №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. თბილისი

----- 2019 წელი

ერთი მხრივ – საქართველოს ტექნიკური უნივერსიტეტი (მისამართი: ქ. თბილისი, მ.კოსტავას ქ. №77) წარმოდგენილი ადმინისტრაციის ხელმძღვანელის ქეთევან ქოქრაშვილის სახით („შემსყიდველი“), და მეორე მხრივ – ----- (მისამართი: -----) მისი დირექტორის ----- სახით („მიმწოდებელი“), ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების ობიექტი

1.1. ხელშეკრულების ობიექტს წარმოადგენს ტურისტული ავტობუსებით მგზავრობის მომსახურების შესყიდვა („ტურისტული სააგენტოების, ტუროპერატორებისა და ტურისტების დახმარების მომსახურებები“ CPV63500000);

- 1.2. მიმწოდებელმა უნდა უზრუნველყოს საქართველოს ტექნიკურ უნივერსიტეტში დაგეგმილი ექსკურსიების, პროფესიული ექსკურსიების, გასვლითი ლექციების და სხვა ღონისძიებების ფარგლებში შეუფერხებელი და მაღალხარისხიანი ტურისტული ავტობუსებით (მძღოლთან ერთად) უსაფრთხო და კომფორტული მგზავრობის მომსახურება მოცემული ტექნიკური დავალების შესაბამისად;
- ავტობუსი აღჭურვილი უნდა იყოს გამართული გათბობა/გაგრილების (კონდიციონერით) ფუნქციით, კონდიციონერი მგზავრობის დროს უნდა იყოს ჩართულ მდგომარეობაში. კონდიციონერის ჩაურთველობის შემთხვევაში მიმწოდებელ ორგანიზაციას კონკრეტული მიმართულების თანხა არ აუნაზღაურდება. ასევე მუშა მიკროფონით; ავტობუსი შეკვეთის ადგილზე გამოცხადების დროს უნდა იყოს სუფთა მდგომარეობაში;
 - მიმწოდებელი ვალდებულია შემსყიდველის მოთხოვნის შემთხვევაში მომსახურების გაწევამდე 24 საათით ადრე შემსყიდველს მიაწოდოს ინფორმაცია გამოსაყენებელი ავტოსატრანსპორტო საშუალების ტიპის, სახელმწიფო ნომრის, მძღოლის ვინაობისა და საკონტაქტო ნომრის შესახებ. მიმწოდებელი ვალდებულია მომსახურების გაწევის დროს გამოყოს საკონტაქტო პირი (დისპეჩერი).
 - მიმწოდებელი ვალდებულია პერიოდულად შემსყიდველის მოთხოვნის შესაბამისად წარმოადგინოს საქართველოს კანონმდებლობით დადგენილი წესით გავლილი ტექ. დათვალიერების შესაბამისი დოკუმენტაცია;
 - მიმწოდებელი ვალდებულია ავტობუსის მძღოლი უზრუნველყოს უნიფორმით, მძღოლი თავის მხრივ ვალდებულია შეკვეთის შესრულების მთელი პერიოდის განმავლობაში შემოსილი იქნას უნიფორმით;
 - შემსყიდველის მოთხოვნის შემთხვევაში მიმწოდებელმა უნდა უზრუნველყოს ერთდროულად პარალელურ რეჟიმში 10 ავტობუსით მომსახურება.
 - მიმწოდებელს ეკისრება პასუხისმგებლობა მგზავრობის უსაფრთხო გადაყვანაზე;
 - იმ შემთხვევაში თუ ტურისტული ავტობუსები ვერ აკმაყოფილებს დადგენილ მოთხოვნებს ან/და მგზავრობის დროს გამოვლინდა ნაკლოვანებები რომელიც საფრთხეს უქმნის მომსახურების სრულყოფილად მიღებას, მიმწოდებელს ეკისრება ვალდებულება უახლოესი 1 საათის განმავლობაში საკუთარი სახსრებით აღმოფხვრას ნაკლოვანებები და საჭიროების შემთხვევაში ტურისტული ავტობუსი ჩაანაცვლოს ახლით, წლის განმავლობაში მსგავსი ფაქტის 3-ჯერ ან მეტჯერ დაფიქსირების შემთხვევაში შემსყიდველი საკუთარი ინტერესების დასაცავად იტოვებს ვალდებულებას შეწყვიტოს ხელშეკრულება;
 - ანაზღაურება განხორციელდება კონკრეტულად განხორციელებული მარშრუტის (რეისის) შემთხვევაში შესაბამისი მიღება-ჩაბარების აქტის გაფორმების საფუძველზე. იმ შემთხვევაში თუ შეკვეთა გაუქმდა ან არ შედგა ანაზღაურება არ განხორციელდება.
 - მომსახურების განხორციელების სავარაუდო დრო: გასვლა დანიშნულების ადგილიდან სავარაუდოთ 07:00 საათი - გამოსვლა დანიშნულების ადგილიდან სავარაუდოთ 23:00 საათი.
 - შეკვეთის კილომეტრაჟით განხორციელების შემთხვევაში შესაძლებელია მომსახურება გაგრძელდეს 2-3 დღის განმავლობაში, ამ შემთხვევაში მიმწოდებელი იღებს ვალდებულებას უზრუნველყოს ავტობუსის მძღოლის კვება და საცხოვრებელი.
 - კილომეტრაჟით გასაწევი მომსახურების შემთხვევაში მიმწოდებელი ვალდებულია გამართულ

მდგომარეობაში იქონიოს ავტოსატრანსპორტო საშუალების კილომეტრების მზომი, რათა შემსყიდველმა შეუფერხებლად მოახერხოს მგზავრობის დაწყებისას და დასრულების შემდგომ გამოყენებული კილომეტრების დაფიქსირება, რის საფუძველზეც მოხდება ანგარიშსწორება. იმ შემთხვევაში თუ მიმწოდებლის ბრალეულობით ვერ მოხერხდება კილომეტრების დაფიქსირება, შემსყიდველი არ აანაზღაურებს გამოყენებული მომსახურების საფასურს.

- აღნიშნული პირობებიდან თუნდაც ერთ-ერთის დარღვევის შემთხვევაში შემსყიდველი საკუთარი ინტერესების დასაცავად იტოვებს უფლებას მიმწოდებელს შეუწყვიტოს ხელშეკრულება და დააკისროს ჯარიმა ხელშეკრულებით დარჩენილი შესასრულებელი ვალდებულებების ღირებულების 10 %-ის ოდენობით.

1.3. შესყიდვის განხორციელების საშუალება – ელექტრონული ტენდერი.

2. სტანდარტები

2.1. ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ პირობებში მითითებულ სტანდარტებს.

3. ხელშეკრულების ფასი

3.1. ხელშეკრულების ფასი შეადგენს: _____ ლარს.

3.2. ხელშეკრულების ფასი საბოლოოა და ითვალისწინებს შესყიდვის ობიექტის მოწოდებასთან დაკავშირებულ მიმწოდებლის ყველა ხარჯებს და საქართველოს კანონმდებლობით დადგენილ ყველა გადასახადს.

4. ხელშეკრულების შესრულების კონტროლი

4.1. შემსყიდველი უფლებამოსილია განახორციელოს კონტროლი და ზედამხედველობა მიმწოდებლის მიერ ნაკისრი ვალდებულებების შესრულებაზე. ხელშეკრულებით ნაკისრი ვალდებულებების შესრულების ინსპექტირებას განახორციელებს _____;

4.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5. მომსახურების გაწევის პირობები

5.1. მომსახურება გაწეული უნდა იქნას ხელშეკრულების გაფორმებიდან 2019 წლის 30 დეკემბრის ჩათვლით ეტაპობრივად შემსყიდველის მოთხოვნის შესაბამისად, მომსახურების გაწევის თარიღი, ავტობუსების რაოდენობა, მარშრუტი და დრო (სთ) მიმწოდებელ ორგანიზაციას ეცნობება ელექტრონული ფოსტის საშუალებით 2 კალენდარული დღით ადრე. მიმწოდებელი ორგანიზაცია ვალდებული იქნება დაუყოვნებლივ დაადასტუროს აღნიშნული შეტყობინების მიღება.

6. ანგარიშსწორების ფორმა, ვადები და პირობები

6.1. მიმწოდებელთან ანგარიშსწორება განხორციელდება უნაღლო ანგარიშსწორების წესით ეროვნულ ვალუტაში;

6.2. ანგარიშსწორება განხორციელდება კონკრეტულად განხორციელებული მარშრუტის (რეისის) შემთხვევაში შესაბამისი მიღება-ჩაბარების აქტის გაფორმების საფუძველზე. ეტაპობრივად, მიღება-ჩაბარების აქტის გაფორმებიდან 10 სამუშაო დღის განმავლობაში. იმ შემთხვევაში, თუ შეკვეთა გაუქმდა ან არ შედგა, ანაზღაურება არ განხორციელდება.

7. უფლებების გადაცემა

7.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

8. ხელშეკრულების პირობების შეუსრულებლობა

8.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების ღირებულების 0,02%-ის ოდენობით

8.2. ხელშეკრულების პირობ(ებ)ის ნაწილობრივ შესრულების, ან/და ტექნიკური დავალებით განსაზღვრული პირობებიდან თუნდაც ერთ-ერთის დარღვევის შემთხვევაში, შემსყიდველი საკუთარი ინტერესების დასაცავად უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო შესასრულებელი ვალდებულების ღირებულების 10%-ის ოდენობით

8.3.იმ შემთხვევაში თუ ტურისტული ავტობუსები ვერ აკმაყოფილებს დადგენილ მოთხოვნებს ან/და მგზავრობის დროს გამოვლინდა ნაკლოვანებები რომელიც საფრთხეს უქმნის მომსახურების სრულყოფილად მიღებას, მიმწოდებელს ეკისრება ვალდებულება უახლოესი 1 საათის განმავლობაში საკუთარი სახსრებით აღმოფხვრას ნაკლოვანებები და საჭიროების შემთხვევაში ტურისტული ავტობუსი ჩაანაცვლოს ახლით, წლის განმავლობაში მსგავსი ფაქტის 3-ჯერ ან მეტჯერ დაფიქსირების შემთხვევაში შემსყიდველი საკუთარი ინტერესების დასაცავად იტოვებს ვალდებულებას შეწყვიტოს ხელშეკრულება და მიმწოდებელს დააკისროს პირგასამტეხლო შესასრულებელი ვალდებულების ღირებულების 10%-ის ოდენობით;

9. ფორს-მაჟორი

9.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. დავების გადაწყვეტა

10.1. მხარეთა შორის სადაო საკითხი წყდება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2020 წლის -----

12. სხვა პირობები

12.1. ხელშეკრულება გაფორმებულია ელექტრონულად, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

12.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები:

შემსყიდველი:

მიმწოდებელი:
